

**Kõkõbì ìrì ní Páulũ ní sǐ sě
Tímōtéyō
ní rǐ
Tã búkũ rǐ vé rǐ ã ùlũngará**

Páulũ sǐ kòkòbì 'dǐri ìsú àkùdē ìri jó àngũ ù'yǐzú rǐ agá, nǐ rá 'yozú kìnì, ẹsì mǎdǎ, ì ímù 'ì 'dì drǎ rá, kúru lě Tímōtéyō ẹ ímù 'í vùgá nǒo mbělē. Drǐdrǐ ni, Tímōtéyō ko Páulũ ẹ ìzǎ ambamba, ǎní sě Páulũ lě ìri sù 'ì mvá tǐnì.

Kòkòbì Páulũ ní sǐ 'dǐri lũ ẹsì ìri ní 'bǎá Kùrísítìyǎnì ìzǎngǎ nya'bá rǐ pi drǐgẹ rǐ vé tǎ. Ímbá Tímōtéyō ri, lě Tímōtéyō ẹ ẹ'yǐ ụ'dùkọ múké Kùrísítò vé 'dǐri, lě ã ùlũ ụ'dùkọ múké 'dǐri sǎ ìzǎngǎ vé rǐ agá ụrǐ àkọ, ǎzini lě ẹ ìrǐnǎ 'bá àngũ ìmbá'bá ùnjò sǐ rǐ pi ìrǐnǎ ìrǐnǎ.

Páulũ sě mǒdó Tímōtéyō ní

¹ Ma Páulũ 'ì, Múngú ìpě ma adrií Kùrísítò Yẹsù vé 'bá áyúǎyũ ni rú, sě má ní ìdri 'dání'dání ìri ní tǎ ni ẹzì 'bá Yẹsù ri ẹ'yǐ'bá gí rǐ pi ní rǐ gí.

² Tímōtéyō, mǎ mvá má ní lělé rǐ, á sǐ kòkòbì 'dǐri sěé mí ní nǐ.

Ẹsì múké, ẹsì ìdríkídri, tǎkiri 'bá Ẹtẹpì Múngú vé rǐ, ǎzini Kùrísítò Yẹsù Úpí 'bávẹ rǐ vé rǐ ã adri mí be.

*Páulũ kìnì lě Tímōtéyō ã ùlũ ụ'dùkọ múké rǐ
mụzú ụrǐ àkọ*

³ Á sě Múngú ní òwò'dífò mǐ tǎ sǐ. Ma ri ẹzì nga Múngú ní sù 'bá ẹ'bípì ní ngaá rǐ tǐnì yǐkì

be uletere. Ụtụná sị, ẵzini ịnịná sị, má kădô rií Múngú ri zị, ma ri Múngú ri zị mí ní ịndĩ. ⁴ Ma ri ngongára mí ní ngoó mụ̀ndrẹ be sâ 'bá ní 'bâ acozú mí be rĩ gé 'dări ẵ tă ịgá, ẵní ma úvá be lězú mi ndrezú. Úmvúlésị 'bá kădô ímụ 'bâ ịsú mí be, ẵyĩkô ri ma fụ ambamba.

⁵ Á nị rá mí íkó ẹ'yĩngára mí ịdrẹpị Lóyịsị vé rĩ, ẵzini mí ẹndrẹpị Yúnịsị vé rĩ, 'í 'bâ ẹsị céré kuú Yẹsụ drịgẹ. ⁶ ẵní lẹ mí áyú fẹfẹ Múngú ní sẹé mí ní sâ má ní drị tịzú mí drịgẹ rĩ gé 'dări ẹzị ngazú, lẹ mí uvu ẵcí ni ẵ dịdị. ⁷ ẵ'diătăsịyă Múngú sẹ 'bá ní ịndrị ữrị vé ni kuyé, sẹ 'bá ní ịndrị ụkpô sẹepi ni, ịndrị lẹngára vé ni, ẵzini ẹsị 'bá ní 'bâ a'bizú tă sị ni.

⁸ Lẹ mí drị ẵ nja 'bávé Úpí vé tă ụlũngára sị ku. ẵzini lẹ mí drị ẵ nja ỉ ní ma 'yĩ jó ẵngũ ụ'yízú rĩ agá rĩ sị ku. Ụkpô Múngú ní sẹé mí ní 'dări sị, lẹ mí ụlũ ụ'dụkọ múké rĩ mụzú 'bá rĩ pi ní, ẵzini mí nya ịzẵngă sụ má ní ịzẵngă nyaá ụ'dụkọ múké rĩ ẵ ụlũngára ẵ tă sị rĩ tịni. ⁹ Múngú pa 'bâ, ẵzini zị 'bâ adrií 'bá ule ívé ni pi, adri 'yozú tă 'bá ní 'oó rĩ ẵ tă sị kuyé, pa 'bâ ẹsị múké ívé rĩ ẵ tă sị. 'Bávé adringára Kúrísítô Yẹsụ agá nōri, Múngú ữtị ọtú tă ni kú ịnọgọsị ịsụ údekí drị 'bụ pi vū be kuyé. ¹⁰ Nóni Yẹsụ Kúrísítô ímụ 'bá ní Múngú vé ẹsị múké rĩ i'daá gí. Kúrísítô Yẹsụ 'bâ Paápi rĩ ndě dră vé ụkpô rá, ịjị 'bá ní ụ'dụkọ múké. Ụ'dụkọ múké rĩ dị ẵngũ ịmgbērẹ ụtụná rú, ịri ịdri 'dáni'dáni depẹ ku rĩ i'da 'bá ní. ¹¹ Múngú ịpẹ ma rií ụ'dụkọ múké rĩ áyú, ẵzini 'bá áyúâyũ ni rú rií ụ'dụkọ múké rĩ ụlũú, ẵzini rií ụ'dụkọ

múké rĩ ímbá. ¹² Tã 'dĩri sê má ní rizú ãzãngã nyazú jó ãngũ ã'yĩzú rĩ agá ãní. 'Bo mâ drĩ nja ãní kuyé, ã'diãtãsiyã á nĩ 'bá má ní ẽsí 'bãã drĩ ni gé rĩ gĩ. Á nĩ áamá múké 'yozú kĩnĩ, Múngú ri ícô sê ã'dúkô múké 'dĩri vé ãlũngará ri 'i nga muzú drĩdrĩ, cĩmgbá cazú ã'dú Yésũ ní ímvízú rĩ gé.

¹³ Lẽ mĩ rụ tã pĩrĩ má ní ímbá mí ní 'dĩri múké, mĩ tu pá tĩtĩ mívé ẽ'yĩngará agá, ãzini lẽngará Kúrísitô Yésũ vé rĩ agá. ¹⁴ Índrĩ Uletere riipi adriipi 'bá ẽsí agá rĩ, ã sê mí ní ãkpô, mĩ mba tã má ní ẽziĩ mí ní 'dĩ'bée ã tã múké.

¹⁵ 'Í nĩ rá 'yozú kĩnĩ, 'bá céré Yésũ ri ẽ'yĩ'bá gĩ íngá'bá ãngũ Ẹziyã vé rĩ gélésĩla rĩ pi adikĩ ma rá, Pũgélô pi Hẽrẽmôgéné be adikĩ kpá ma rá.

¹⁶ Úpĩ Yésũ ã 'bã ẽsí múké 'bá Õnẽsĩfórô vé jó ãsãmvú gé rĩ pi ní, ã'diãtãsiyã ri ẽci ma úndré, ri mâ ẽsí ímbá nĩ, drĩ ni nja ĩ ní ma 'yĩ jó ãngũ ã'yĩzú rĩ agá rĩ sĩ kuyé. ¹⁷ Kã ícã Rómã gá nõlé, 'de riĩ ma ndãá, cĩmgbá ĩri ní ma ísúzú. ¹⁸ Úpĩ Yésũ kãdô ímvĩ, ẽ i'da ívé ẽsí múké rĩ Õnẽsĩfórô ní. 'Í nĩ rá, ko má ĩzã Ẹfésô gá 'dãlé létĩ be ãndĩãndĩ.

2

Lẽ Tĩmôtéyô ã nga ẽziĩ Múngú vé rĩ ẽsí ãlu sĩ

¹ Tĩmôtéyô mâ mvá rĩ, lẽ mĩ adri ãkpô ãkpô ẽsí múké Múngú ní sêé mí ní Kúrísitô Yésũ agá rĩ sĩ. ² Tã má ní ímbá 'bá kárakarã pi andregã sĩ, mí ní yĩĩ rá 'dĩ'bée, lẽ mĩ ímbá 'bá urukô ícô'bã tã rĩ ímbá'bã 'bã urukô ní rá rĩ pi ní.

³ Mí ní adrii āngáráwá múké Kúrísítō Yēsũ vé ni rĩ sī, lě mī úmbé ẹsị ịzāngā rĩ ã nyangára gá sũ 'bá ní nyaá rĩ tịni. ⁴ 'Bá adriipi āngáráwá rú rĩ ícọ fií tã 'bá 'bẹtị rĩ pi ní rií 'oó rĩ 'oó ịndĩ ku, ã'diātāsīyā lě ãyĩkō sēé ívé ũgalaku 'í drīlé gá rĩ ní. ⁵ 'Bá ọngụ njuúpi rĩ, lě ã ũbĩ tǎimbị ị ní ọngụ njuzú rĩ, ũbĩ dō ku, ícọ ãnděma ịsụ ku. ⁶ 'Bá ọmvú 'aápi ũkpō sī rĩ, ịri ãnyāngā í'dó nya drīdrī. ⁷ 'Í 'bā dō tã má ní rií 'yoó mí ní 'dī'bée mí ẹsị agá rá, Úpí Yēsũ Kúrísítō ri tã 'dī'bée sē fi mí drīgé rá.

⁸ Lě mī 'bā ẹsị cére kuú Yēsũ Kúrísítō drīgé! Yēsũ íbí ũfũú úyú 'bāgú Dāwúđị* vé rĩ agá, Múngú inga ịri drāngára gálésila, sũ ú'dúkọ múké má ní ũlũú rĩ tịni. ⁹ Má ní rií ú'dúkọ múké Yēsũ vé rĩ ũlũú rĩ sī, 'yĩkí ma jó āngũ ũ'yízú rĩ agá, 'okí ma ũnjí, sũ 'bá tã ũnjí 'oópi ni tịni. 'Bo ú'dúkọ múké Múngú vé rĩ 'yĩkí ịndĩ kuyé. ¹⁰ Á lě ẹsị úmbé ịzāngā nyaá 'bá Múngú ní ũpěé gí rĩ pi ã tã sī, Kúrísítō Yēsũ ã pa rí kọpi, kọpi ã đĩkí rí pọwụpọwụ mụzú 'dáni'dáni.

¹¹ Tã 'dĩri tã áda:

'Bá drākí dō Yēsũ be trụ ǎlu,

'bā kpá adri ídri rú ịri be trụ,

¹² 'bá úmbékí dō ẹsị ịzāngā nyaá Yēsũ ã tã sī rá,

'bā kpá úmvúlésị mǎlũngā rụ ịri be trụ.

* **2:8** 2:8 Dāwúđị: Múngú ịpě Dāwúđị ri adrii 'bāgú Ịsẹrélẹ rĩ pi vé ni, ẹzi kīnī, 'bāgú ú'dí ri ímụ ịfũ ịrivé úyú agá, ịri mǎlũngā rĩ rụ mụzú 'dáni'dáni, 'bāgú rĩ Yēsũ Kúrísítō 'i. 'Í lǎ Sāwúmā 132:11-12. Tịkí Dāwúđị ri ịsụ ǎkūdē ịlǎ rĩ ca ẹlǎfũ ǎlu (1,000) gí, ịlǎ 'dāri gé, ịsụ tịkí drī Yēsũ Kúrísítō ri kuyé. 'Í lǎ 1 Sāmūélẹ 16-30; 2 Sāmūélẹ 1-24; 1 'Bāgú 1-2.

'Bá gākí dō ìri sī,
 ìri kpá 'bâ gā sī,
 13 'Bá 'bākí dō ẹ̀sì Kúrísítō drīgẹ kuyé drāāāsīyā,
 ìri ẹ̀sì 'bā 'bá drīgẹ rá,
 ǎ'diātāsīyā ícọ 'i gāá ku.

'Bá Múngú ní ǎ'yī ẹ̀zì nga'bée múké rī pi

14 Mí ímbá kọpi ní tǎ má ní ùlúú mí ní 'dī'bée.
 'Í 'yo kọpi ní, kọpi ǎ ríkí ǎgátá gāá tǎ ì ní ríi átá
 rī pi sī ku. ǎgátá 'díní 'dī'bée ẹ̀zì ǎkọ, ìri 'bá
 tǎ rī yì'bá rī pi iza rá. 15 Lē mí nga ẹ̀zì ùkpó
 sī mi i'dazú Múngú ẹ̀ndrẹ̀tì gé, Múngú ǎ ǎ'yī rí
 mi 'yozú kíní mi 'bá múké. Lē mí adri 'bá ẹ̀zì
 ngaápi drīnjá ǎkọ ní, ǎzini ỳ'dùkọ múké tǎ áda
 vé rī ùlúúpi pìrì ní. 16 Lē mí rí ǎgátá ẹ̀zì ǎkọ ní
 pi gāá ku, ǎ'diātāsīyā 'bá rí'bá ǎgátá ẹ̀zì ǎkọ rī
 gǎ'bée 'díní 'dī'bée, kọpi rí tǎ ǎyīkō sēepi Múngú
 ní ku rī pi 'o mužú drīgélé. 17 ǎgátá 'díní 'dīri, ìri
 tų mužú drīgélé sù ǎzó ní ríi ateé rī tìnjì. 'Bá rí'bá
 ǎgátá gǎ'bá rī pi ǎsámví gé 'dǎá, ǎmīnáyī pi
 Fēlētásì be anigé. 18 Kọpi kukí lẹ̀tì áda rī gí, kọpi
 nóni rí tǎ ùnjō vé ní ùlú, kọpi rí 'yo, íngángará
 drāngará gálésìla rī nga 'i gí, kọpi sēkí 'bá ụ̀rụkọ
 kukí ìvé ẹ̀'yīngará gí.

19 'Bo tǎ áda Múngú vé rī tu pá ùkpó ùkpó sù
 írǎ ì ní jó ǎ ndụ ǎ'bázú rī tìnjì, Múngú sī tǎ írǎ
 rī ǎ rù'bá gá kíní, “Múngú nǐ 'bá ívé rī pi ǎrěvú
 cére rá,” ǎzini, “'Bá 'yo'bá kíní ì 'bá Múngú vé
 ni rī pi, ǎ kukí ùnjìkǎnyǎ rá.”

20 Jó ẹ̀ tì ǎmbúgu rī agá, ngá rī pi ụ̀rụkọ údékí
 dábù sī, ǎzini aya ógù'bá ógùògù ní pi sī, ụ̀rụkọ

ni pi údékí párángi sī, dōku ũtrêtrê sī. Ngá 'dĩ'bée ɔruxo ĩ áyú ũmũ ãmbúgú ni gé, 'bo ɔruxo ni pi ĩ áyú 'bětĩ ãsámví gé 'dĩgé ú'dú céré. ²¹ 'Bá rĩ ku dō ũnjĩkányā 'ongará gí, Múngú ri ĩri áyú tā pĩrĩ 'o sũ 'í ní lée rĩ tĩnĩ, tā ĩri ní 'oó rĩ ãyĩkō sē Múngú ní, Múngú ri ĩri áyú ẽzĩ múké ni pi nga.

²² Lē mí fi tā ũnjĩ ĩ ní rĩí 'oó kẹrĩñā sĩ rĩ 'oó ĩndĩ ku. Lē mí 'o tā pĩrĩ, mí ẹ'yĩ Múngú ri, mí adri lěngará be, ãzini lē mí adri tā be kírĩ. Lē ĩmi 'okĩ tā múké 'dĩ'bée 'bá Úpĩ Múngú ri zĩ'bá ẹsĩ be ule rĩ pi be trũ. ²³ Á lē 'yoó mí ní dđĩ, ã fiki ãgátá azakaza vé ni gǎá ku, ã'diātāsĩyā ãgátá 'dĩ'bée ũmbā ĩjĩ. ²⁴ Lē Úpĩ Múngú vé ãtĩ'bá ã adri ũmbá rú ku, lē ã adri ẹsĩ be mǎdā 'bá rĩ pi be céré, ã adri 'bá ãngũ ímbápi ĩndĩ ni, ã 'bā tā 'í ẹsĩ agá ku. ²⁵ 'Bá ĩri ɔwũ'bá rĩ pi, lē ẽ ímbá kōpi ú'dúkó be mǎdā, ã 'bā ẹsĩ Múngú drĩgé, Múngú ã sē rĩ kōpi ã újákĩ rĩ ẹsĩ tā áda rĩ nĩzú ãnĩ, ²⁶ kōpivé yĩkĩ rĩ ímũ ícá pĩrĩ, ãnĩ kōpi ímũ ápá fũ bǎá ãdróko vé rĩ agásĩ rá, ã'diātāsĩyā ãdróko úmbé kōpi tĩtĩ rĩí ívé tā 'í ní lée rĩ ngaá.

3

Ũnjĩkányā 'bá rĩ pi ní ímũ 'oó lókĩ ũdũ vé rĩ gé rĩ

¹ Timōtéyō, lē mí nĩ 'yozú kínĩ lókĩ ũdũ vé rĩ ímũ adri tā be ũkpó ũkpó. ² 'Bá ãlu ãlu ri 'yéná ĩ ngúlúpĩ lē áyu, kōpi ẹsĩ 'bā ãmbúgú mũfěngā drĩgé, kōpi ĩ íngúngũ, kōpi adri ãfú rú, kōpi ãngũ u'da'da, yĩkĩ 'bá ĩ tĩ'bá rĩ pi ẽ tĩ ku, kōpi sėkĩ kpá ɔwō'dĩfô tā múké 'bá rĩ pi ní 'oó ĩ ní rĩ sĩ ku, kōpi ĩnjĩkĩ Múngú ri ku. ³ Kōpi lėkĩ ãngũ

ku, kōpi trūkí 'bá ũnjĩkãnyã 'o'bá rĩ pi ku, kōpi ri átángá ũnjĩ rú izazú ni pi átá 'bá rĩ pi rú 'bá gá. Kōpi a'bíkí ĩ tā sī ku, kōpi adri gbórókó rú, kōpi lēkí tā múké ku. ⁴ Kōpi ĩ ọgũpĩĩ ã ũli 'be, kōpi rōkí tā ku, kōpi adri ãfú rú, kōpi lēkí ãyĩkō nyọ́ókú nōri vé rĩ ambamba, ndě Múngú ri rá. ⁵ Kōpi tā 'o sũ 'bá Múngú rĩ nĩ 'bá rá ni pi tĩnĩ, ịsúzú kōpi gākí ũkpō Múngú vé ícōpi kōpi újápí ufuúpi 'bá Múngú vé ni rú rĩ sĩ. Lě mĩ fi 'bá 'dĩni 'dĩ'bée ãsámví gé ku.

⁶ 'Bá 'dĩ'bée ọrukọ ri ẹcĩ 'bá rĩ pi vé jó tị gé sĩ, kōpi ri ẹcĩ ũkú yĩkĩ be mũnyámunya rĩ pi ndã, ĩ ũ'bãkí rí kōpi ẽ mị. ĩ ícó ũkú 'dĩni 'dĩ'bée ẽ mị ũ'bã tā sĩ mbēlējá, ã 'diātāsīyã kōpi ri ũnjĩkãnyã 'o, kōpi gākí ũnjĩkãnyã kugá sĩ. ⁷ Lókí céré sĩ, ũkú 'dĩni 'dĩ'bée lēkí tā ú'dí ũnĩĩ, 'bo tā áda rĩ ícó fi kōpi drĩgέ ku. ⁸ 'Bá ri 'bá mị ũ'bã'bée 'dĩ'bée, kōpi ri létị ndã tā áda Múngú vé rĩ ọwuzú, sũ Yénã pi Yámbērē be,* kōpi ní Mósē† ri ọwụú rĩ tĩnĩ. 'Bá 'dĩ'bée vé úmĩ ábá gí, ãní kōpivé ẹ'yĩngará adri pịrị kuyé. ⁹ 'Bo 'bá ri 'bá mị ũ'bã'bá 'dĩ'bée ícókí tā 'dĩri 'oó mụzú drĩdrĩ ku. Ụ'dú ãzi sĩ, 'bá rĩ pi céré ímụ tá kōpi ní riĩ

* **3:8** 3:8 Yénã pi Yámbērē be: Kōpi újógú Ējēpétō gá ni pi, kōpi ọwukí tā Mósē vé rĩ rá, 'bo kōpi ndēkí Mósē vé ũkpō kuyé. † **3:8** 3:8 Mósē: Yōsépã kã dráá gí, 'bágú Ējēpétō vé rĩ 'bã anjĩ Īsērélē vé rĩ pi ẹzị ngaá tųgẹrĩ rú caá ílĩ mụdđürŭlŭ sụ (400). Kúru Múngú ní Mósē ri ịpězú ímụzú anjĩ Īsērélē vé rĩ pi pazú adringará tųgẹrĩ rú rĩ agásĩ. Múngú sē tǎimbị rĩ Mósē ní, ã lŭ anjĩ Īsērélē vé rĩ pi ní, sězú ĩ ní tǎimbị rĩ zizú tǎimbị Mósē vé ni ãní. Tịkí Mósē ri ịsụ ãküdē ílĩ rĩ ca élfŭ ãlu mụdđürŭlŭ sụ (1,400), ịsụ ãküdē tịkí drĩ Yēsŭ ri kuyé. † lã Wŭngará 2-24.

ímbá 'dĩri nĩ áamá 'yozú kínĩ, ĩri tã azakaza vé ni, ĩri adri sũ tã Yénã pi ní átá Yámbērē be rĩ tĩnĩ.

Páúlũ kĩnĩ Tīmōtáyō ã nga ẹzị ũkpō sī

¹⁰ Tīmōtáyō, tã má ní ímbá rĩ pi 'dĩ, mávé adringará, ẹ'yĩngará mávé rĩ, lěngará mávé rĩ, ẹsị má ní úmbé ĩzāngā nyazú rĩ, tã má ní má rụ'bá adizú rĩ, 'í nĩ céré gí. ¹¹ ĩzāngā má ní nyaá, āzini ọcũngará ĩ ní ma ọcũzú ambamba má ní ẹsị úmbézú 'dĩri, 'í nĩ rá. Ọcũngará 'bá rĩ pi ní ma ọcũzú Ānītīyókā gá, Īkónīyōmũ gé, āzini Lēsītúrā gá rĩ pi, 'í nĩ rá. 'Bo Úpí Múngú ko má ĩzā tã 'dĩ'bée agásĩ céré. ¹² Ádarú 'bá lěpi tã Kúrísítō Yésũ vé rĩ 'duúpi ngaápi rĩ, ĩ ímú ĩri ọcũ rá. ¹³ 'Bá tã 'o'bá ũnjí rĩ pi, 'bá ũnjó rú rĩ pi be, kọpi nyo ri 'bá rĩ pi ẹ mị ũ'bā mužú drĩgélé, 'bá rĩ pi ã ụrukọ kpá kọpi ẹ mị ũ'bā ĩndĩ.

¹⁴ 'Bo tã má ní ímbá mí ní ẹ'yĩ gí 'dĩri, lě mị rụ tĩtĩ. Tã 'dĩ'bée tã áda, ã'diātāsīyā 'í nĩ 'bá mí ní tã 'dĩri ịsụ ụnĩ kọpi vúgá rĩ gí. ¹⁵ Í'dókí mi ímbá tã Búkũ Múngú vé uletere rĩ agá rĩ sī ãnjĩgā gá 'dāá, sē 'í nĩ tã mí ní Kúrísítō Yésũ ri ẹ'yĩzú ĩ ní mi pazú rĩ ambamba. ¹⁶ Tã céré ĩ ní sī Búkũ Múngú vé rĩ agá rĩ íbí ĩfũ Múngú tị gélésĩ. ĩri múké āngũ ímbázú āní, āngũ ĩrĩngázú āní, āngũ útúzú tã 'ozú āní pịrị, āzini āngũ ímbázú tã pịrị 'ozú āní. ¹⁷ Tã ĩfũúpi Múngú tị gélésĩ 'dĩri, ĩri 'bá Múngú vé rĩ pi útú tã múké rĩ pi ārěvú 'duzú ngazú céré.

4

1 Múngú ẹndrẹti gé, āzini Kúrísítō Yésũ úmvúlésĩ ímúpi 'bá ídri rú rĩ pi vé tã lịpi, āzini 'bá ũdrā 'bá gí rĩ pi vé tã lịpi, úmvúlésĩ 'i i'daápi ívé mālũngā rụngará gá rĩ ẹndrẹti gé, á lě mí ní tãimbị sěe 'dini, ² lě mĩ útú mi tị Múngú vé rĩ ũlũ lókí múké rĩ agá, āzini lókí ũnjí rĩ agá. Lě mĩ útú 'bá rĩ pi tã 'oó pịri, mí ĩrĩnā kọpi, 'í 'bā ẹsị mādā kọpi ímbázú ānĩ. ³ Ā'diātāsīyā lókí āzi rĩ ímú 'dĩ' dī, 'bá rĩ pi yìkí tã ĩ ní ímbá pịri rĩ ku. Kọpi tã ĩ ẹsị ní lěe rĩ pi 'dụ nga áyu, kọpi ĩ úmú 'bá āngũ ímbá 'bá rĩ pi ā gārā gá, kọpi bị 'bā rizú tã kọpi ní ímbá rĩ yizú. ⁴ Kọpi gā tã áda rĩ yigá sī, kọpi bị 'bā rizú tã ẹzị ākó rĩ pi yizú áyu.

⁵ 'Bo tã céré agásī, lě mĩ úmĩ ā adri pịri, lě mí úmbé ẹsị ĩzāngā nyazú tã ũkpó ũkpó rĩ pi agásī, mí ũlũ tị Múngú vé rĩ mužú 'bá rĩ pi ní, 'í nga ẹzị Múngú vé ĩ ní sěe mí drịgé rĩ mužú.

⁶ Sā mávé drāzú rĩ ícọ gí, sā má ní mávé ídri sězú Múngú ní rĩ ícọ gí. ⁷ Á 'dị ẹ'dị Kúrísítō vé rĩ múké, á nju ọngú rĩ caá ụdụ gé gí, má áwí kuú mávé ẹ'yĩngará agá ũgōgō. ⁸ Múngú ri má ní kũlā 'bā ma tē 'bũ gé 'dāá, tã má ní 'oó pịri rĩ sī. Úpí Yésũ tã lịpi pịri rĩ, ĩri ímú má ní kũlā sē ụ'dụ ĩri ní ímvízú ĩgōzú vũ drịgé nōgó rĩ gé. ĩri kpá ímú kũlā sē 'bá lě 'bá ĩrivé ĩgōngará ütē 'bá rĩ pi ni.

Átángá ụdụ Páulũ ní ẹzị rĩ

⁹ Lě mĩ ndā létị ímúzú má vúgá nōlé mbělě.

¹⁰ Dema ní tã nyọkú nōri vé rĩ lěe ambamba rĩ sī, ápá má rụ 'bá gá sī mužú Tēsālōnīkē gá

gí. Kūrīsénīsī mu Gālātíyā gá gí, Títō mu ívé rī Dālāmātíyā gá. ¹¹ 'Bá má be nōgó rī 'yéñá Lúkã 'i. Mí kãdō ímụ, mí íjị má ní Mārákō ri ímụzú ìndī, ẽ ímụ rí mâ ìzã koó. ¹² Á pẽ Tūkíkō ri muụ Ēfésō gá. ¹³ Mí kãdō ímụ, mí íjị mávé bōngó akoó rụkụ má ní kuú Kāpásī vé āngá Tūrówā gá 'dālé rī ímụzú ìndī. Mí íjị mávé búkū traátra rī pi ímụzú ìndī, agaápi rá rī, lē mī íjị búkū lã' bú rú rī pi.

¹⁴ Ālĕkizándã ùndógó úká dīpi rī 'o tã ùnjí mâ rụ' bá gá ambamba, 'bo Úpí Múngú ri ímụ ìrivé tã lị tã ìri ní 'oó má rụ' bá gá nōri sī ndō. ¹⁵ Lē mī adri mị be kowu ìrivé tã sī, ã' diātāsíyã ìri ri ú' dúkó múké 'bá ní ùlũú rī owu ambamba.

¹⁶ Lókí ĩ ní ma íjízú 'bá tã lị' bá drīdrī rī pi ẽndrẹti gé rī gé, 'bá āzi ẽtī ma kuyé. 'Bá rī pi ārėvú céré ápákí má rụ' bá gá sī rá. Mávé ẹsị agá, á lē ã 'bãkí tã 'dīri kōpi rụ' bá gá tã ùnjí rú ku. ¹⁷ 'Bo Úpí Yēsū ri má be trụ, sē má ní ùkpō, mâ ùlũ rí ú' dúkó múké rī 'bá adri' bá Yāhūdī rú ku rī pi ní, kōpi ã yìkí rí céré. Múngú ípá ma drã sịgé sī rá. ¹⁸ Ádarú Úpí Múngú ri ma pa tã ùkpó ùkpó lē' bá ma ísụ' bá rī pi agásī rá, tã āzi ícōpi ma ugaápi fingará ìrivé mālũngã 'bũ vé rī agá ni 'dãáyo. Ẽ íngúkí Múngú ri muzú 'dáni' dáni. Āmīnã.

Páulũ sē mōdó

¹⁹ 'Í sē Pīrīsīlã pi ní Ákúwílã be mōdó, āzini 'í sē 'bá Ōnēsífórō vé āngá rī pi ní céré mōdó. ²⁰ Ērésītō áwí adrií kuú Kōrínítō gá 'dãá' dã. Tōrōfímũ ri drã rú, á ku ìri kú Mīlétō gá 'dãá' dã.

²¹ Mí íngá ímù mbêlê, ïsù ãkũdê lókí kílongóro vé rĩ* ícá drĩ kuyé. Yũbũlúsĩ pi Pũdénĩ be, Lĩnõ be, Kãlãwũdíyã be, ãzini 'bã õgũpĩi urukõ 'dĩ'bée be cére, sêkí mí ní mōdó.

²² Úpí Múngú ã adri mí be, ã 'bã ẹsĩ múké ïmi ní.

* **4:21** 4:21 Lókí kílongóro vé rĩ: ãngũ ïsêrêlê vé rĩ gé 'dãá, lókí kílongóro vé rĩ gé, ẹçĩ tungárá ùkpó ùkpó, ã'diãtãsiyã yĩĩgõ ri 'dĩ ambamba, sê ãngũ rĩ igbe igbe.

Ụ'dúkọ Múké Múngú vé rị
Keliko: Ụ'dúkọ Múké Múngú vé rị New Testament+
copyright © 2017 Wycliffe Bible Translators, Inc.

Language: (Keliko)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

14717198-957a-524c-b31f-2c3197945b20